

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 30.10.2018թ. թիվ 1808871429 որոշումն անփոփոխ, վարչական բողոքը դրան վերաբերող մասով առանց բավարարման, իսկ թիվ 1808884466 որոշումը բեկանելու և վարչական իրավախախտման վերաբերյալ գործի վարույթը կարճելու մասին:

<<24>> 12 2018թ. 17-13-134969-18/17-13-11649

ք.Երևան

ՀՀ ոստիկանության ճանապարհային ոստիկանության պետի պաշտոնակատար, ոստիկանության գնդապետ Ե.Կարապետյանս, վերանայելով Սամվել Մարտիրոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Զաքարիա Քանաքեռցու փողոցի 121 շենքի 9 բնակարանի բնակիչ Սամվել Մարտիրոսյանի դիմումով իր անահամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1808871429 և 1808884466 որոշումներին՝ նշելով, որ տրանսպորտային միջոցը տեղակայել է երկրորդ շարքում և տեղադրել է «Վթարային կանգառ» նշանը:

Դիմումի քննարկման արդյունքում պարզվել է, որ դիմումների գործերի վարույթը ենթակա է մասնակի բավարարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 3-րդ հադվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը:**

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 23-րդ կետերի 2 մասի համաձայն՝ կանգառն արգելված տեղերում հարկադրված կանգառի դեպքում, ինչպես նաև այն տեղերում, որտեղ, ելնելով տեսանելիության պայմաններից, տրանսպորտային միջոցը չի կարող ժամանակին նկատվել այլ վարորդների կողմից: Այս պահանջը կատարելուց հետո վարորդը պետք է կատարի կանոնների 83-րդ կետի պահանջները:

Ելնելով վարորդներին ժամանակին զգուշացնելու անհրաժեշտությունից՝ «Վթարային կանգառ» նշանը (թարթող կարմիր լապտերիկ) տեղադրվում է **բնակավայրերում՝ տրանսպորտային միջոցից ոչ պակաս 15 մ**, իսկ բնակավայրերից դուրս՝ 30 մ հեռավորության վրա, նույն որոշման 83-րդ կետի համաձայն՝ կանգառն արգելված վայրում հարկադրված կանգառ կատարելու դեպքում կանոնների 22-րդ և 23-րդ կետերի պահանջները կատարելուց հետո վարորդը պետք է ձեռնարկի բոլոր անհրաժեշտ միջոցները՝ տրանսպորտային միջոցն այդ վայրից դուրս բերելու համար:

Ճանապարհային ոստիկանության վարչական տույժ նշանակելու մասին թիվ 1808871429 որոշմով իրավախախտման փաստն արձանագրած տեսանյութերի լրացուցիչ ուսումնասիրություններից պարզ է դառնում, որ դիմումատուի արարքը Սայաթ-Նովա-Չարենց փողոցների խաչմերուկների հատվածում սկսվում է արձանագրվել 14:34:32-րդ վայրկյանից և դադարում 14:35:53-րդ վայրկյանին՝ տևելով 81 վայրկյան, իսկ 14:35:14 վայրկյանին՝ տանսպորտային միջոցի հետևում կայանվում է մեկ այլ տրանսպորտային միջոց այսպիսով տեսանյութում որևէ հավաստող դրվագ չկա այն մասին, որ «Վթարային կանգառ» նշանը տեղադրված է եղել տրանսպորտային միջոցի հոսի մասում:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 6-րդ հոդվածի 2-րդ մասի համաձայն՝ իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է իրենց օգուտ անձի:

Թիվ 1808884466 որոշումով արձանագրված իրավախախտումն ամրագրած տեսանյութի լրացուցիչ ուսումնասիրմամբ պարզվել է, որ Վ.Սարգսյան-Պ.Ադամյան փողոցների խաչմերուկների հատվածում սկսվում է արձանագրվել 19:02:17-րդ վայրկյանից և դադարում 19:03:08-րդ վայրկյանին՝ տևելով 51 վայրկյան և իրավախախտման փաստի առկայությունը համարվել է կասկածելի, հետևաբար վերը նշված որոշումը ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 20.04.2018թ. թիվ 1808884466 որոշումը բեկանել և վարչական իրավախախտման վերաբերյալ վարույթը կարճել:
2. Սամվել Մարտիրոսյանի՝ Ճանապարհային ոստիկանության 03.05.2018թ. թիվ 1808871429 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սամվել Մարտիրոսյանի:



Ե.Կարապետյան